

« Basta u pocu ? »

A sfida nova di Ghjuvan Petru Godinat

Escherà , di manera ufficiale, u 12 di ferraghju, u primu dischettu « solu » di Ghjuvan Petru Godinat. Fruttu di dui anni di travagliu, stu dischettu, chjamatu « Basta u pocu ? », referenza à e limite di a sucetà d'oghje, mette in vale un culore musicale più mudernu è a vulintà di l'artistu, di fà a prova d'una altra sfida.

Sò 25 anni chè Ghjuvan Petru Godinat s'hè fattu cunnosce in u mezu culturale. Da i so primi passi cù « I Voci di a Gravona », à e so ultime creazione cù u so associu « U filu d'Amparera », passendu, di sicuru, per « Cinqui sò », l'omu hà fattu a so strada durante 25 anni. Intornu à un filu musicale precisu quellu di a pulifonia tradiziunale è a musica di u mediterraneu. Forse, era ghjunta l'ora d'un altru viaghju, solu sta volta.

« Ci pensava dapoi qualchì tempi, spiega l'artistu, era una scelta veramente parsunale, ch'ùn vuliu impone, à quelli cùn quale spartiu a musica, issa sperienza parsunale. »


Tandu, Ghjuvan Petru Godinat s'hè messu, dui anni fà, à u travagliu. Cù musicanti (lucali) intornu à ellu, hà vultu parte ver di un altru culore musicale, sempre cù u parlatu di u Pumonte. « Aghju travagliatu monda cù a pulifonia, ma sta volta, aghju vultu parte in altrò è vultà à me ghjunventù. Sintiu gruppu cuml'è Led Zeppeli, Beatles, Pink Floyd, è ghjè stu gennaru musicale più elettricu ch'avemu da ritruvà. »

Per ciò chì tocca à u tema, u musicante hà sceltu a sucetà ughjinca. « L'idea parte d'una dumada abbastanza chjara : Pudemu, oghje, cuntentaci di cusì pocu ? A partesi di st'idea, aghju circatu à sviluppà u me parè nantu à a sucetà d'oghje. »

Ghjuvan Petru Godinat hà cumpostu tutte e musiche di u dischettu è scrittu sei di l'ondec

canzone. Quell'altre sò firmate da Rinatu Coti è Lisandru Muzi.

Stu dischettu « senza alcun aiutu di a CTC »



spiega l'artistu, escherà u 12 di ferraghju. E per l'occasione, Ghjuvan Petru Godinat serà in concertu à u Spaziu Diamante in Aiacciu... Cuntattu

Mail : contact@jeanpierregodinat.com

Tel : 0611511560

www.facebook.com/jpierregodinat

